



*Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko Vijeće*

Lukavac, 21.09.2011. godine

SLUŽBENI GLASNIK OPĆINE LUKAVAC

S A D R Ž A J 7/11

Akti Općinskog vijeća

- 1. Odluka o povećanju broja Plaketa*
- 2. Odluka o dodjeli Počasnih Povelja i Plaketa*
- 3. Odluka o dodjeli općinskih priznaja*
- 4. Odluka o izmjenama i dopunama Programa gospodarenja poljoprivrednim zemljištem u vlasništvu države na području općine Lukavac*
- 5. Rješenje o dodjeli zemljište Mujić Arminu iz Lukavca na korištenje radi građenja stambenog objekta, neizgrađeno gradsko građevinsko zemljište broj:02-31-1-155/11 od 13.07.2011.godine*

Akti Općinskog načelnika

- 1. Rješenje o postavljenju rukovodećeg državnog službenika*



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj:01-02-1-1231/11

Lukavac, 15.09.2011.godine

Na osnovu člana 32. Statuta općine Lukavac-prečišćeni tekst (Službeni glasnik Općine Lukavac broj:5/08), člana 10. Odluke o općinskim priznanjima ("Službeni glasnik Općine Lukavac broj 6/99 i 7/04) , Općinsko vijeće Lukavac na 37. redovnoj sjednici održanoj dana 15.09.2011. godine donijelo je

O D L U K U
o povećanju broja Povelja i Plaketa

Član 1.

Ovom Odlukom utvrđuje se privremena dodjela većeg broja Povelja i Plaketa općine Lukavac od broja utvrđenog u članu 9. Odluke o općinskim priznanjima ("Službeni glasnik Općine Lukavac broj 6/99 i 7/04).

Član 2.

U 2011. godini izvršit će se dodjela četiri (4) Povelje općine Lukavac od toga tri (3) Povelje fizičkim licima i jedna (1) Povelja pravnim licima i sedam (7) Plaketa općine Lukavac od toga dvije (2) Plakete pravnim licima i pet (5) Plaketa fizičkim licima.

Član 3.

Ova Odluka stupa na snagu danom donošenja, a objavit će se u "Službenom glasniku Općine Lukavac".

PREDSJEDAVAJUĆI
OPĆINSKOG VIJEĆA

Suljo Suljević prof.soc.s.r.



Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće

Broj:01-02-1-1230/11
Lukavac, 15.09.2010.godine

Na osnovu člana 32. i člana 105. Statuta općine Lukavac –prečišćeni tekst („Sl. glasnik općine Lukavac“ broj 5/08), člana 3. i člana 8. stav 2 Odluke o općinskim priznanjima (“Službeni glasnik općine Lukavac”, broj: 6/99 i 7/04) Općinsko vijeće Lukavac na 37. redovnoj sjednici održanoj dana 15.09. 2010. godine, donijelo je

O D L U K U
o dodjeli Počasnih Povelja i Plaketa

Član 1.

Ovom Odlukom reguliše se dodijela općinskih priznanja “Počasne Povelje” i “Počasne Plakete” u 2011. godini.

Član 2.

Za izuzetan doprinos u odbrani, razvoju privrednih kapaciteta , za vanredno dobre rezultate u oblasti nauke , kulture i sporta kao i za druge vidove doprinosa u 2011. godini dodijelit će se 5 “Počasnih Povelja” i 3 “Počasne Plakete”, zaslužnim pravnim i fizičkim licima.

Član 3.

Ova Odluka stupa na snagu danom donošenja, a objavit će se u "Službenom glasniku Općine Lukavac".

PREDSJEDAVAJUĆI
OPĆINSKOG VIJEĆA

Suljo Suljević prof.soc s.r.



Broj:01-02-1-1229/11

Lukavac, 15.09.2011.godine

Na osnovu člana 32. i člana 105. Statuta općine Lukavac – prečišćeni tekst („Sl. glasnik općine Lukavac“ broj 5/08), člana 8. i 12. Odluke o općinskim priznanjima (Službeni glasnik općine Lukavac broj 6/99 i 7/04) Općinsko vijeće Lukavac na 37. redovnoj sjednici održanoj dana 15.09.2011. godine, donijelo je

O D L U K U
o dodjeli općinskih priznanja

Član 1.

U povodu obilježavanja 18. septembra Dana općine Lukavac, za izuzetan doprinos u odbrani, razvoju privrednih kapaciteta, za vanredno dobre rezultate u oblasti nauke, kulture i sporta kao i za druge vidove doprinosa dodjeljuje se:

POVELJA OPĆINE LUKAVAC

1. NK “Mladost”Puračić, za izuzetan doprinos u razvoju sporta i postignute rezultate na takmičenjima na općinskom i kantonalnom nivou
2. Fahrudin (Adem) Skopljak, za društveno-politički rad i izuzetan doprinos u odbrani države
3. Željko (Tomislav) Zombra, za izuzetne rezultate u oblasti sporta

POČASNA POVELJA OPĆINE LUKAVAC

1. KUD “Dobošnica” Dobošnica Donja, za izuzetan doprinos u razvoju kulture i očuvanju tradicije, kulture i običaja naroda Bosne i Hercegovine
2. Jakub (Ibrahim) Memić, za izuzetan doprinos u razvoju mjesne zajednice
3. Fahrudin (Omer) Muharemović, za izuzetan doprinos u odbrani države i razvoju sporta

PLAKETA OPĆINE LUKAVAC

1. NVO “Asocijacija mladih Devetak (AMD)”, za izuzetan doprinos u razvoju civilnog društva i lokalne zajednice
2. Humanitarna organizacija “Švicarski crveni križ” Ured u Tuzli, za stalnu brigu o starim i ugroženim licima, pomoć pojedincima i porodicama lica stradalih od elementarnih i drugih nepogoda, te finansiranje i podršku projekata humanitarnog karaktera
3. Vehbija (Sadik) Tokić, za izuzetan doprinos u odbrani države i razvoju sporta
4. Azra (Muhamed) Mursleović, za postignute izuzetne rezultate na Olipmijadi za mlade iz oblasti ekologije
5. Muharem (Hasan) Hodžić zvani Began-posthumno, za poseban doprinos u razvoju sporta i lokalne zajednice

POČASNA PLAKETA OPĆINE LUKAVAC

1. *KUD "Bosna" Bokavići, za izuzetan doprinos u razvoju kulture i očuvanju tradicije, kulture i običaja naroda Bosne i Hercegovine*
2. *Munib (Hamzaliya) Efendić, za izuzetan doprinos u oblasti nauke, obrazovanja i sporta*
3. *Nehrudin (Pašan) Osmić, za izuzetan doprinos u razvoju privredne djelatnosti*

Član 2.

Dodjela priznanja licima iz člana 1. ove Odluke izvršit će se u povodu svečanog obilježavanja Dana općine Lukavac.

*PREDSJEDAVAJUĆI
OPĆINSKOG VIJEĆA*

Suljo Suljević prof. soc.s.r.



*Bosna i Hercegovina
Federacija Bosne i Hercegovine
Tuzlanski kanton
Općina Lukavac
Općinsko vijeće*

Broj: 01-02-1235/11

Lukavac, 20.09.2011. godine

Na osnovu člana 32 Statuta općine Lukavac –prečišćeni tekst (“Sl. glasnik općine Lukavac”, broj:05/08, Općinsko vijeće Lukavac je na 37. redovnoj sjednici održanoj dana 15.09.2011.godine, donijelo je

O D L U K U
*o izmjeni i dopuni Programa gospodarenja
poljoprivrednim zemljištem u vlasništvu države na
području općine Lukavac*

I

Ovom Odlukom u Programu gospodarenja poljoprivrednim zemljištem u vlasništvu države na području općine Lukavac riječ “koncesija” briše se i glasi” zakup”.

II

Ova Odluka stupa na snagu danom donošenja, a objavit će se u “Službenom glasniku općine Lukavac”.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc.s.r.



Broj: 01-31-1-155/11

Lukavac, 29.07.2011.godine.

Na osnovu člana 44. Zakona o građevinskom zemljištu Federacije Bosne i Hercegovine ("Službene novine FBiH " broj:25/03 i 67/05) i člana 3. Odluke o uslovima i načinu dodjele građevinskog zemljišta u državnom vlasništvu(„Službeni glasnik općine Lukavac“ br: 2/04, 4/05, 7/05, 8/05, 5/06 i 7/08) i člana 32. Statuta općine Lukavac – prečišćeni tekst ("Službeni glasnik općine Lukavac" broj: 5/08), Općinsko vijeće Lukavac na 36. redovnoj sjednici održanoj dana 29.07.2011.godine, donijelo je

R J E Š E N J E

1. Mujić (Ramiza) Arminu iz Lukavca, dodjeljuje se na korištenje radi građenja stambenog objekata, neizgrađeno gradsko građevinsko zemljište:
 - k.č.br. 789/2, zv. «Bare» dvorište u površini od 270 m², upisana u p.l.br. 330 k.o. Lukavac u posjedu Skupštine Opštine Lukavac sa 1/1 (novi premjer), a koja nekretnina po starom premjeru nosi oznaku kao k.č.broj: 1094/10 "Grabovac" u površini od 270 m² upisana u z.k.ul. broj 2308 k.o. Lukavac, Državno vlasništvo sa1/1.
2. Za dodijeljeno zemljište iz tačke 1. ovog Rješenja korisnik je dužan platiti naknadu za preuzeto zemljište u iznosu od 3.250,00 KM (slovima:trihiljadedvijestotinepedeset konvertibilnih maraka) i naknadu za rentu (pogodnost lokacije) u iznosu od 3.672,00 KM (trihiljadeseststotinasedamdesetdvije konvertibilne marke) u roku od 15 dana od dana pravosnažnosti ovog rješenja.
Naknada za preuzeto zemljište u iznosu od 3.250,00 KM se uplaćuje na žiro račun broj:1610250023300029 otvorenog kod Raiffeisen banke d.d. BiH vrsta prihoda 722431, a naknada za rentu (pogodnost lokacije) u iznosu od 3.672,00 KM uplaćuje se na žiro račun broj: 1610250023300029 otvorenog kod Raiffeisen banke d.d. BiH, vrsta prihoda 722435.
3. Na zemljištu iz tačke 1. ovog Rješenja, po pravosnažnosti ovog rješenja, zemljišno knjižni ured Općinskog suda u Tuzli i katastarski operat općine Lukavac izvršit će uknjižbu prava korištenja radi građenja u korist Mujić (Ramiza) Armina iz Lukavca , uz istovremeno brisanje ranijih izvršenih upisa na tom zemljištu kad podnese dokaz o uplati naknade utvrđene u tački 2. dispozitiva ovog Rješenja.
4. Mujić (Ramiza) Armin iz Lukavca obavezan je da u roku od 8 dana od dana prijema ovog Rješenja, na ime naknade troškova postupka uplati iznos u visini od 50,00 KM na žiro račun budžeta općine Lukavac broj 1610250023300029 otvorenog kod Raiffeisen Bank d.d.BiH, vrsta prihoda 722439.

O b r a z l o ž e n j e

U postupku koji je prethodio donošenju ovog Rješenja, a na osnovu Odluke Općinskog vijeća Lukavac broj: 01-31-3-155/11 od 01.06.2011.godine, proveden je Konkurs za dodjelu neizgrađenog građevinskog zemljišta označenog kao k.č.br. 289/2, zv. «Bare» dvorište u površini od 270 m², upisana u p.l.br. 330 k.o. Lukavac u posjedu Skupštine Opštine Lukavac sa 1/1 (novi premjer), a koja nekretnina po starom premjeru nosi oznaku kao k.č.broj: 1094/10 "Grabovac" u površini od 270 m² upisana u z.k.ul. broj 2308 k.o. Lukavac, Državno vlasništvo sa 1/1 u svrhu izgradnje stambenog objekta, objavljen u dnevnim novinama „Oslobođenje“ dana 26.06.2011.godine u smislu člana 46. Zakona o građevinskom zemljištu i odredaba člana 6., 12. i 18. Odluke o uslovima i načinu dodjele građevinskog zemljišta u državnom vlasništvu („Službeni glasnik opštine Lukavac“ broj 2/04, 4/05, 7/05, 8/05, 5/06 i 7/08).

Na konkursu je učestvovao Mujić (Ramiza) Armin iz Lukavca, kao jedini ponuđač za dodjelu zemljišta iz tačke 1.dispozitiva ovog rješenja, sa ponudom koja je uredno zapakovana-zapečaćena.

Komisija za sprovođenje Javnog konkursa je konstatovala da je ponuđač ispunio konkursne uslove za dodjelu zemljišta iz tačke 1. dispozitiva rješenja i nakon provedene procedure sačinila Zaključak o utvrđivanju redoslijeda prvenstva učesnika konkursa broj: 02-31-939/11 od 12.07.2011.godine, kojim je pravo na dodjelu neizgrađenog gradskog građevinskog zemljišta na korištenje radi građenja ostvario je ponuđač Mujić (Ramiza) Armin iz Lukavca koji je **ponudio novčani iznos od 3.250,00 KM.**

Uvidom u Prethodno rješenje - Načelnu urbanističku saglasnost Službe za urbanizam, prostorno planiranje i investicije broj:09/1-31-3-155/11 od 12.05.2011.godine utvrđeno da je na predmetnoj nekretnini predviđena izgradnja stambeno porodičnog objekta dimenzija 9,00 x 8,00 m, spratnosti prizemlje + sprat i da ista pripada IV zoni građevinskog zemljišta u kojoj je predviđena renta u iznosu od 25,50 KM/m², što za površinu od 144 m² iznosi 3.672 KM.

U vezi cijelog postupka postoji pozitivno pravno mišljenje Općinskog pravobranilaštva Lukavac broj: M-26/11.

Odredba o plaćanju naknade za dodijeljeno zemljište temelji se na članu 64. Zakona o građevinskom zemljištu („Službene novine FBiH“, broj:25/03 i 67/05) i Odluci o uslovima i načinu dodjele građevinskog zemljišta u državnom vlasništvu („Službeni glasnik općine Lukavac“, broj 2/04, 4/05, 7/05, 8/05, 5/06 i 7/08).

Odluka o troškovima iz tačke 4. dispozitiva ovog Rješenja, zasniva se na odredbama člana 115. Zakona o upravnom postupku("Službene novine FBiH" broj: 2/98 i 48/99).

Na osnovu gore izloženog odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja ne može se uložiti žalba, ali se može pokrenuti upravni spor kod Kantonalnog suda Tuzla u roku od 30 dana od dana prijema ovog rješenja.

PREDSJEDAVALAČI
OPĆINSKOG VIJEĆA

Suljo Suljević, prof. soc.s.r.



Broj: 02-02-1077/11

Lukavac, 25.07.2011.godine

Na osnovu člana 31. stav 2. Zakona o državnoj službi («Sl. novine F BiH», broj: 29/03, 23/04, 39/04, 54/04 i 8/06), člana 13. Pravilnika o unutarnjoj organizaciji općinskih Službi organa državne službe Općine Lukavac, broj: 02-02-2-1209/08 od 26.09.2008.god. i Mišljenja Agencije za državnu službu broj: 05-34-8-104-2/11 od 18.07.2011.god., općinski Načelnik d o n o s i

R J E Š E N J E
o postavljenju rukovodećeg državnog službenika

1. Bleković Mina dipl. ing. geologije, postavlja se na radno mjesto rukovodećeg državnog službenika „Pomoćnik načelnika za inspekcijske poslove“ u Službi za inspekcijske poslove Općine Lukavac.
2. Koeficijent za obračun plaće utvrdit će se posebnim rješenjem.
3. O danu preuzimanju poslova rukovodećeg radnog mjesta, pomoćnika načelnika za inspekcije poslove, državni službenik će biti naknadno obavješten.

O b r a z l o ž e n j e

Pravilnikom o unutarnjoj organizaciji općinskih Službi organa državne službe Općine Lukavac, broj: 02-02-2-1209/08 od 26.09.2008.godine, sistematizovano je radno mjesto „pomoćnika načelnika za inspekcijske poslove“. Obzirom da je isto bilo upražnjeno, Agencija za državnu službu Federacije BiH, po iskazanoj potrebi općine Lukavac, oglasila je javni konkurs za popunu istog radnog mjesta državnog službenika, objavljen u „Službenim novinama Federacije BiH“, broj: 32/11 od 01.06.2011.godine.

Po okončanju postupka javne konkurencije, sačinjena je Lista uspješnih kandidata broj: 05-34-8-104/11 od 12.07.2011.god. koju je utvrdila Komisija za izbor rukovodećeg državnog službenika u Općini Lukavac, na kojoj se nalazi Mina Bleković, te je kao uspješan kandidat i postavljena na radno mjesto rukovodećeg državnog službenika.

U postupku postavljenja pribavljeno je mišljenje Agencije za državnu službu, broj: 05-34-8-104-2/11 od 18.07.2011.godine, za postavljenje imenovane na radno mjesto rukovodećeg državnog službenika.

Na osnovu navedenog odlučeno je kao u dispozitivu ovog rješenja.

Protiv ovog rješenja dozvoljena je žalba Odboru državne službe za žalbe u roku od 15 dana od dana prijema istog.

OPĆINSKI NAČELNIK
Dževad Mujkić, dipl. pravnik s.r.

**SLUŽBENI GLASNIK OPĆINE
L U K A V A C**

Broj:7/11

Izdaje :.....Općina Lukavac

Uređuje.....Stručna Služba Općinskog vijeća

Urednik.....sekretar Općinskog vijeća Izeta Bajrić

Tiraž.....75 primjeraka

Adresa.....Općina Lukavac - Općinsko vijeće

Telefon - fax:.....553-253

Službeni glasnik izdaje se po potrebi